



**Broj:** 08-06/2-14-2-803-10/15

**Dana:** 04.05.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

## **ODLUKU**

o izboru najpovoljnijeg ponuđača - "EXCLUSIVE" d.o.o. Zenica, za "Sukcesivna nabavka tonera"

### **I**

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-803-9/15 od 29.04.2015.godine, i okvirni sporazum za "Sukcesivna nabavka tonera" dodjeljuje se ponuđaču "EXCLUSIVE" d.o.o. Zenica sa ponudom broj: 08-06/2-14-2-1827/15-BS od 06.04.2015.godine, za ponuđenu cijenu u iznosu od 69.969,80 KM bez PDV-a.

### **II**

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojoj se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrdu ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- dokaz o registraciji u relevantnom profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu kojom se dokazuje da ponuđač u vrijeme predaje ponude je registrovan za predmetnu djelatnost. Dokaz o registraciji ili izjave ne smiju biti stariji od 3 mjeseca računajući od dana početka postupka javne nabavke.

- spisak izvršenih ugovora koji za predmet imaju isporuku tonera u posljednje 2 godine (2013. i 2014.g.) sa ukupnim vrijednosnim iznosima, datumima i primaocima, uz potvrdu koju daje druga ugovorna strana o njihovoj realizaciji. U slučaju da se takve potvrde ne mogu dobiti iz objektivnih razloga izvan kontrole ponuđača, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Minimalna razina sposobnosti: Ponuđač mora dostaviti dokaz o urednom izvršenju najmanje 3 ugovora o isporuci tonera čija zbirna vrijednost iznosi najmanje 200.000,00 KM.

- Izjava ponuđača da će vršiti isporuku isključivo novih, novoprodučenih, neiskorištenih, nerepariranih i nerefilovanih tonera, kertridža i ribona, koji su sastavljeni iz isključivo novih dijelova (Izjavu potpisuje i ovjerava pečatom ponuđača ovlaštena osoba ponuđača, s tim da ista mora biti ovjerena i od strane nadležnog općinskog organa ili notara).

- Izjava ponuđača da će vršiti isporuku potrošnog materijala koji će u uređajima Ugovornog organa raditi na način da neće uzrokovati smetnje u svakodnevnom radu, biti dovoljnog kapaciteta da odštampaju minimalan broj stranica koji je zahtijevan u tenderskoj specifikaciji, te da će sve stranice biti odštampane bez ikakvih nedostataka, u smislu zaprljanja, tamnih linija ili dijelova stranice na kojima nije kvalitetno odštampan sadržaj (Izjavu potpisuje i ovjerava pečatom ponuđača ovlaštena osoba ponuđača, s tim da ista mora biti ovjerena i od strane nadležnog općinskog organa ili notara).

- 2 (dvije) obične kopije ponude.

### III

Odabrani ponuđač je dužan dostavljenu dokumentaciju dostaviti na način i u svemu da ista zadovoljava uslove propisane tenderskom dokumentacijom broj: 08-06/2-14-2-803/15, a koji se tiču uvezivanja, numerisanja i ostalih uslova propisanih istom).

### IV

Ova Odluka objaviće se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### V

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-803/15 od 10.02.2015.godine.

Javna nabavka provedena je putem otvorenog postupka nabavke, kojim je predviđeno zaključivanje okvirnog sporazuma sa rokom trajanja do kraja 31.12.2016.godine.

Procijenjena vrijednost nabavke je: 280.000,00 KM bez PDV-a.

Obavještenje o nabavci broj: 488-1-1-9-3-5/15, poslano je na objavu dana 19.02.2015.g. u 9,34 h, a isto je objavljeno u "Sl. glasniku BiH", broj 15 od 23.02.2015.g.

Komisija za javnu nabavku imenovana je rješenjem broj: 08-06/2-14-2-803-2,1127-2/15 od 03.03.2015. godine.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-803-3/15 od 06.04.2015.godine i Zapisnik o ocjeni ponuda broj: 08-06/2-14-2-803-9/15 od 29.04.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 4 (četiri) ponuđača prijavila na predmetno javno nadmetanje, i to ponuđači: "DIGITEH" d.o.o. Banja Luka, "INTER-COM" d.o.o. Zenica, "EXCLUSIVE" d.o.o. Zenica i "PLAN PLUS" d.o.o. Zenica.

- da ponude ponuđača "EXCLUSIVE" d.o.o. Zenica i "PLAN PLUS" d.o.o. Zenica ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su

prihvatljive za ugovorni organ, a da ponude ponuđača "DIGITEH" d.o.o. Banja Luka i "INTER-COM" d.o.o. Zenica ne ispunjavaju kvalifikacione kriterije, zbog čega su isti diskvalifikovani, iz sljedećih razloga:

- Ponuda ponuđača "DIGITEH" d.o.o. Banja Luka, iz razloga što izjave koje je ponuđač dostavio iz tačke 12. tačke a) do d) tenderske dokumentacije nisu ovjerene kod nadležnog općinskog organa ili notara, a što je ponuđač bio u obavezi osigurati u skladu sa traženim iz predmetne tenderske dokumentacije i članom 45. stav (4) Zakona o javnim nabavkama ("Službeni glasnik BiH", br. 39/14). Pored toga, ponuđač "DIGITEH" d.o.o. Banja Luka, nije ispunio kriterije za ocjenu tehničke sposobnosti iz tačke 13.1.1. tenderske dokumentacije, imajući u vidu da se iz liste referentnih poslova koje je dostavio kao i iz dostavljenih potvrda od strane primalaca usluga za 2013. i 2014.godinu može utvrditi da se radi o iznosu koji je manji od 200.000, 00 KM. Isto tako ovaj ponuđač nije postupio u skladu sa tačkom 13.3 tenderske dokumentacije obzirom da u ostavljenom roku nije dostavio uzorke za ponuđene robe iz specifikacije (Aneks II) koja je sastavni dio tenderske dokumentacije.

- Ponuda ponuđača "INTER-COM" d.o.o. Zenica, obzirom da je pomenuti ponuđač propustio u predviđenom roku dostaviti uzorke za sve ponuđene robe iz specifikacije (Aneks II). Naime, ponuđač je dostavio ukupno 9 uzoraka od traženih 15, te je u skladu s tim postupio suprotno tački 13. 3. tenderske dokumentacije. Pored toga, ovaj ponuđač nije ispunio kriterije za ocjenu tehničke sposobnosti iz tačke 13.1.1. tenderske dokumentacije, imajući u vidu da se iz referensne liste i iz dostavljenih potvrda od strane primalaca usluga za 2013. i 2014.godinu može utvrditi da je iznos manji od 200.000, 00 KM.

U postupku ocjene kvalifikovanih ponuda, dana 16.04.2015.godine ponuđač "EXCLUSIVE" d.o.o. Zenica je pozvan da dostavi objašnjenje cijene svoje ponude zbog neprirodno niske ponuđene cijene, imajući u vidu da je njegova ponuda za više od 20% niža od cijene drugorangirane prihvatljive ponude, a sve u skladu sa članom 66. Zakona o javnim nabavkama i članom 17. stav 7. tačka b) Uputstva za pripremu modela tenderske dokumentacije i ponuda ("Službeni glasnik BiH", broj 90 od 18.11.2014.godine). Dana 22.04.2015.godine, ponuđač "EXCLUSIVE" d.o.o. Zenica, aktom broj: 41/15 od 21.04.2015.godine, dostavio je traženo objašnjenje, na osnovu kojeg je konstatovano da isti u potpunostim ostaje pri svojim cijenama, da to garantuje svojim iskustvom, svojim referencama i traženim i dostavljenim uzorcima, a sve radi nastavka dobre saradnje sa ovim ugovornim organom kao jednim od najvažnijih kupaca. U skladu sa članom 17. stav (9) pomenutog Uputstva, predmetni akt ovog ponuđača sastavni je dio Zapisnika o ocjeni ponuda.

Slijedom svega navedenog, Komisija ugovornog organa je utvrdila da su kvalifikovane ponude sljedećih ponuđača:

1. "EXCLUSIVE" d.o.o. Zenica i
2. "PLAN-PLUS" d.o.o. Zenica

Potom je utvrđena rang-lista kvalifikovanih i prihvatljivih ponuda, kako slijedi:

Redn i broj	Naziv/ ime ponuđača	Ukupna cijena ponude – bez PDVa u KM	Preferencijalni tretman domaćeg	Ukupna cijena ponude – bez PDVa u KM sa popustom i preferencija-Inim tretmanom	redoslijed
1.	EXCLUSIVE D.O.O.	69.969,80 KM	Ne	69.969,80 KM	1

Redni broj	Naziv/ ime ponuđača	Ukupna cijena ponude – bez PDVa u KM	Preferencijalni tretman domaćeg	Ukupna cijena ponude – bez PDVa u KM sa popustom i preferencijalnim tretmanom	redoslijed
	ZENICA				
2.	PLAN-PLUS D.O.O ZENICA	134.672,40 KM	Ne	134.672,40 KM	2

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač "EXCLUSIVE" d.o.o. Zenica je odabran na osnovu ponuđene cijene u iznosu od 69.969,80 KM bez PDV-a.

#### **PРАВNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

**MINISTAR**

**Hajrudin Žilić**